

Хар газрт хальмг республикин эдлахус мал үвлзүүлгэнд белдвр келгъән төгскәхдән бөрддз йовна. Малин хот эдвәр белддз, үвлзньгүр зөбдз овалгън чигн күңдгддз, малин хашау исе бел кегдв.

Болв зарм эда-ахусар ик дуту-дундс ода чигн бәәнә. Элст балгъсна «Победа» колхозин хөбчирин бригаде кәддг улсар диглгдәд уга. Ода чигн 30 күн кергтә. Күн тату болсн учрар эн джилә хургъдас бүрдәгдсн отармуд 1200 толгъа күрч икдв.

Эн колхозин ах хөбч Богаевин отарин нәәдр хөбдт икәр оратдз, ноябрь сарин 17-д көг тәвгдв. Көг тәвлгънд олзлгддг хуцмудин чинийн ик сән гидз келдз болшго.

«Страна Советов» колхозд нег отар хөн үвләр хургълхмн. 6 отар хөн әрт хаврар (март сард) болн 7 отар нәәдр хөд апрель сард хургълх зөвтә. Хөд хургълуллгънд 14 теплякуд кергтә, ода белн бәәхн зугл 6. Эн тату-ман чиклхин әв-аргъ оданас авн аддз, хургълх хөбдән дулан хаша-хаацар теткх кергтә.

Балгъсна Ленинә нертә колхозин гурвн бригадин хөбчир ода чигн бәәх дулан гермүдәр теткгдәд уга. Эн колхозин 50 хөбч девләр, валенкәр, 10 хөбч плащар болн госар теткгдәд уга.

Элстин Сталинә нертә колхозин ах хөбч үр Н. П. Цикаловин хәләджәх отарин нәәдр хөд әрт хаврар хургълхмн. Болв ода күртл теплякудн яс-

# Хар газрт мал үвлзүүлгэнд оньган с а ä н ä р ö г х м н

гддз, кошармудн цеврлгддзәхш.

Эн колхозин үвлзньгүр өвсн чигн күңддән зөбгддз овалгддзәхш. Өвс зөбх кәдәмш хөбчирт бийстн даалгъгдсн, болв тедн хаша-хаац яслгъан, өвс зөблгъән ода чигн экләд уга.

Приютненск района «Дружба» колхоз кошармуд эргнтк өвсиг хадчксн учрар, 8 отар хөбгъән Ләдрхнә эдлахусин газрт хәрүлдж йовна. Энүнд усн ик тату. Болв, эн джил нег чигн

## Э. МАНДЖИЕВ, КПСС-н Хальмг таньгъчин, комитетин инструктор

худг малтгдсн уга. Хөбчирин бригаде ус зөбдг машиндәр чигн теткгддзәхш. Тер учрар «Дружба» колхозин хөд оданас авн усар мәәртдз гарута болдз йовна.

Эн района Кировин нертә колхоз

ода күртл хаша-хаац цеврлгнә болн яслгъна кәдәмшән чиләгъәд уга.

Хар газрт хөбнә үвлзньгд белдврин кәдәмш келдз болшго татугъяр Западн района Ленинә болн Чапаевин нертә колхозмудар кегддз йовна. Эн хойр колхозин хойр отар, Целинн района «Родина» колхозин малин үвлзньгин нег бәәр эзджәнә, болв нег-негән күләлдәд ода күртл цеврлгъ чигн, ясвр чигн кеджәхш. Чапаевин

нертә колхозд хөбдән услдг нег чигн худг уга, ус зөбдг машинд чигн ода күртл гаргъгдәд уга.

Целинн района «Прудовый» совхозин гардачвр Хар газрт үвлзджәх ма-лдан төрүц оньган өгчәхш, тер учрар. Хар газрин теетг үвлзх 6 отар хөбдәс бәәрдән ирсн зугл 4 отар, ода күртл 3 миньгъ шаху хөн ормасн кәндрәд уга. Дөрвн отарин 5 миньгън 100 хөн бәәх бәәрн темдлгддз гаргъгдәд уга, хаша-хаацн белн биш.

Эн совхозин боли «Родина» колхозин 7 отар хөн гурвн худгин усар теткгдджәнә. Усн күрлго хөд өдрт нег услдгна.

Хар газрт үвлзджәх малчвр дунд цәәлгъврин кәдәмш ик му йовна. Колхозмудин иккәрн, тер тоод Элст балгъсна Ленинә нертә боли «Страна Советов» колхозмудт, Западн района Чапаевин болн Сталинә нертә колхозмудт радиоприемник уга, газет цагтн күргхш, кино чигн тасрхан угагъяр үзүлгдхш.

«Целинный» совхозин боли Западн района колхозмудин хөбчир эдлврт кергтә тоотан альдас авхн йилгъддз гаргъгдәд уга. Республиканск потребсоюзин эрки төрн хөбчириг эд-таврар боли цут эдлврт кергтә тоотарн тасрхан уга теткх керг.